

唐  
音  
統  
籤

戊籤八十九

至九十三同卷

唐音統籤卷

七百四十

王駕字大用河中人登大順元年進士第仕爲禮

部員外郎棄官自號守素先生嘗與司空圖鄭谷

爲詩友集六卷

通考集一卷

今存詩六篇

司空圖云生澄清益久五

言所得長於思與河汾蟠鬱之氣故宜有人

### 夏雨

非惟消旱暑且喜救生民天地如  
園林似却

春洗風清枕簟換夜失埃塵又作豐年望田夫笑

向人

### 古意

夫戍蕭關妾在吳西風吹妾妾憂夫一行書信千  
行淚寒到君邊衣到無

社日

三體作張演事文類聚作張濱  
吹萬作張嬾然嬾集不載此詩

鵝湖山下稻梁肥豚柵雞棲

一作

半

一作

掩扉桑

柘影斜春社散家家扶得醉人歸

雨晴

雨前初見花間蕊雨後兼無葉裏花蛺蝶飛來過

牆去却疑春色在鄰家

按駕此詩出荆公唐百家  
詩選中乃荆公臨川集復

有此云雨前不見花間葉雨後全無葉底花蜂蝶  
紛紛過牆去却疑春色在鄰家想愛此詩因改七  
字入集中耳雨前見花蕊與雨後并無花雨句未  
嘗不相呼應必云不見花間葉以言花盛盡矣雨

後花盡疑鄰家尚有春色非真疑之惜春之盡姑  
意其味盡耳蝶過牆妙在先着飛來兩字有尋  
索意爲有情耳直言紛紛過去不尤蠢乎駕詩卽  
非品金却被荆公點成塊鐵恐誤學者不得不辨

亂後曲江

一作羊士誇詩

憶昔爭

一作曾

遊曲水濱未春長有探春人遊春人

盡空池在直至春深不似春

過故友居

鄰笛寒吹日落初舊居今已別人居亂來兒姪皆  
分散惆悵僧房認得書

戊籤九十

吳仁璧字廷寶吳人

臨安志云關右人蘇州志云長洲人

大順二年

登進士第錢鏐據浙累辟不就又以詩謝之鏐怒

沉之江有詩一卷今存十一篇

蘇州志云仁璧初學于廬山道士道

士曰能學仙乎仁璧固陳求名之志道士曰一第猶拾芥爾但他年勿干英雄後果爲錢鏐所殺

投謝錢武肅

東門上相好知音數展臺前郭隗金累重雖然容  
食樵力微無計報焚林弊貂不稱芙蓉幕衰朽仍  
慚玳瑁簪十里溪光一山月可堪從此負歸心

客路

人寰急景如波委客路浮雲似蓋輕回首故山天  
外碧十年無計卻歸耕

南徐題友人郊居

門前樵徑連江寺，岸下漁磯繫海槎。  
待到秋深好時節，與君長醉隱侯家。

讀度人經寄鄭仁表

身雖一旦塵中老，名擬三清會裏題。  
二午九齋餘日在，請君相伴醉如泥。

秋日聽僧彈琴

金徽玉軫韻泠然，言下浮生指下泉。  
恰稱秋風西北起，一時吹入碧湘煙。

賈誼

扶持一疏滿遺編漢陞前頭正少年誰道恃才輕  
絳灌卻將惆悵弔湘川

春雪

雪霽凝光入坐寒天明猶自臥袁安貂裘穿後鶴  
氈敝自此風流不足看

衰柳

金風漸利露珠團廣陌長堤黛色殘水殿狂遊隋  
煬帝一千餘里可悲看

鳳仙花

香紅嫩綠正開時冷蝶飢蜂兩不知此際最宜何

處看朝陽初上碧梧枝

金錢花

淡絳濃香幾葢勻日鎔金鑄萬家新堪疑劉寵遺  
芳在不許山陰父老貧

錢塘鶴

人間路靄青天半鼇岫雲生碧海涯雖抱雕籠密  
扁鑰可能長在叔倫家

句

爲惜苔錢妨換砌因憐山色旋開尊

閒居

高閣煙

霞禪客睡滿城塵土世人忙

遊法華寺

五龍金角向



星斗三洞玉音愁鬼神

贈道士

蒲草薄裁連蒂白

胭脂濃染半葩紅

題鴛粟花  
以上並雅言雜載

戊籤九十一

孫邨字希韓四明人幼爲方干所知好荀韓孟子之書學韓退之爲文故因以爲字乾寧中登進士第官校書郎河南府文學文集四十卷小集三卷

唐宋志同文獻通考止載  
文纂一卷南渡後并亡

今存詩三篇

古意二首

擬陳  
拾遺

屈子生楚國七雄知其材介潔世不容跡合藏蒿  
萊道廢固命也瓢飲亦賢哉何事葬江水空使後

人哀

魏禮段干木秦王乃止戈小國有其人大國柰之  
何賢哲信爲美兵甲豈云多君子戰必勝斯言聞  
孟軻

哭方玄英先生

牛斗文星落知是先生死湖上聞哭聲門前見彈  
指官無一寸祿名傳千萬里死著弊衣裳生誰顧  
朱紫我心痛其語淚落不能已猶喜韋補闕揚名  
薦天子

于蓋用韋莊薦賜  
贈詳陸龜蒙傳

句

仕宦類商賈終日常東西

戊籤九十二

鄭準字不欺登乾寧進士第爲荆南成中令泐推  
官長於箋記後與泐不合請解職殺之中途有渚

宮集一卷今存詩五篇

紀事云準依荆南常欲比肩陳阮自作所業爲三卷

號劉表軍書其應舉日詩卷有題水牛云  
護犢橫身立逢人搯尾跳朝士大笑之

### 代寄邊人

君去不來又悠悠昏又明片心因卜解殘夢過橋  
驚聖澤如垂餌沙塲會息兵涼風當爲我一送

砧聲

江南清明

吳山楚驛四年中一見清明一改容  
旅恨共風連夜起韶光隨酒着人濃  
延興門外攀花別采石江頭帶雨逢  
無限歸心何計是路邊戈甲正重重

題宛陵北樓

雨來風靜綠蕪鮮  
凭著朱闌思浩然  
人語獨耕燒後嶺  
鳥飛斜沒望中烟  
松梢半露藏雲寺  
灘勢橫流出浦船  
若遣謝宣城不死  
必應吟盡夕陽川

寄進士崔魯範

洛陽才子舊交知  
別後干戈積詠思  
百戰市朝千

里夢三年風月幾篇詩山高馬斷音書絕谷背鶯  
寒變化遲會待路寧歸得去酒樓漁浦重相期

雲

片片飛來靜又閒樓頭江上復山前飄零盡日不  
歸去點破清光萬里天

句

見前傳  
略注

戊籤九十三

褚載字厚之登乾寧進士第詩一卷

唐志三卷  
宋志一卷

今

存詩十篇

紀事云陸威爲郎官載以文投獻犯其  
家諱威因矍然載尋以賤致謝曰曹興

之圖畫雖精終慙誤筆殷  
浩之矜持太過翻達空爾

投節度邢公

西風昨夜墜紅蘆一宿郵亭事萬般無地可耕歸  
不得有恩堪報死何難流年怕老看將老百計求  
安未得安一卷新書滿懷淚頻來門館訴饑寒

詩史

云載家至貧客梁宋間困甚以詩投襄陽節度使邢君牙云云君牙贈絹十疋薦于鄭滑辟支使不行明年裴贇知貢舉君牙薦之擢第

賀趙觀文重試及第

案觀文乾寧二年崔凝下第八人登第是年命

陸宸重試而觀文爲榜首事詳上頁白下

一枝仙桂兩回春始覺文章可動身已把色絲要  
上第又將彩筆冠羣倫龍泉再澤方知利火浣重

燒轉更新今日街頭看柳勝大能榮耀苦心人

贈道士

簪星曳月下蓬壺曾見東臯種白榆六甲威靈藏  
瑞檢五龍雷電遶霜都惟教鶴探丹丘信不使一作  
遣人窺太乙爐聞說葛陂風浪惡許騎青鹿從行  
無

定鼎門

郊廓城高門倚天九重蹤跡尚依然須知道德無  
關鎖一閉乾坤一萬年

陳倉驛

錦翼花冠安在哉  
雄飛雌伏盡塵埃  
一雙童子應惆悵  
不見真人更獵來

長城

見子前八

秦築長城比鐵牢  
蕃戎不敢過臨洮  
焉知萬里連雲色  
不及堯階三尺高

弔秦叟

市西樓店金千稱  
渭北田園粟萬鍾  
兒被殺傷妻被虜  
一身隨駕到三峯

雲

一作杜牧

盡日看雲首不回  
無心都大似無才  
可憐光彩一



片玉萬里晴天何處來

鶴

欲洗霜翎下澗邊  
卻嫌菱刺汚香泉  
沙鷗浦鴈應驚訝  
一舉扶搖直上天

句

相逢多是醉醺然  
應有囊中子母錢

以下並見海錄碎事

有興欲沽紅麴酒  
無人同上翠旌樓  
星斗離披

煙靄收玉蟾  
蜃耀海東頭

詩

鹿胎冠子水晶簪

長嘯歌眠紫桂陰

送道士

躩躩馬搖金  
絡腦嬋娟

人墜玉搔頭

狂歌放飲渾成性  
知道逍遙出俗

籠 除却洛陽才子後更誰封似弔懷沙 蓮浦  
浪溼堪倚釣柳堤風暖好垂鞭 上馬等閒銷白  
日出門輕薄倚黃金少年行 淨名方丈雖然病曼  
倩年涯未有多

卷終

戊籤九十四

唐音統籤卷

七百四十一

王貞白字有道信州永豐人五舉禮部登乾寧二年第後七年始授校書郎嘗與羅隱方干貫休同倡和有靈溪集七卷爲詩三百篇手所編定今存

詩一卷

據言云昭宗皇帝頗爲寒進開路崔凝典貢舉濫得不少然如玉貞白張翥律詩趙

觀文古風之作皆臻前輩之闢闕者

紀事云天祐年中內試貞白札翰狼籍帝覽拂下玉案有黃

門奏此舉人頗有詩名御批曰粗通放

按昭宗實錄乾寧二年二月刑部尚書崔凝知貢舉取張

貽寧等二十五人

勅于武德殿東廊覆試內一人盧賡不至先乞落內出詩賦四題分鋪分不許往

來午後一刻進納宣翰林學士承旨戶部侍郎陸

處秘書監馮滌於雲韶殿考所試詩賦取趙觀文

程宴崔賞崔仁寶四人并盧瞻筆說封渭韋希震

張翥黃滔盧鼎王貞白沈崧陳曉李龜頑等十一

人並與及弟餘五人落下許再舉四人  
不許再舉疑貶合州刺史據此似無黃門可容  
乞放况內試亦非天祐年事紀事不足爲  
貞白誣也洪景廡云貞白靈溪集藏永豐  
邑士周宗朴家更無他本鄱陽余鏞攝尉  
訪得刻之其墓元在縣務側亂時久絕子  
孫掃祭官爲立廟里人念其處窆下謀徙  
窆于西山極至郭西忽重不可舉因卽葬  
焉前臨官道三面阻民田自一壠外界無  
尺寸寬壤鏞貽書上饒趙使君丐出數萬  
錢益買左地爲拓兆域

五言古詩

放歌行

南渡洛陽津西望十二樓明堂坐天子  
月朔朝諸侯清樂動千門皇風被九州  
慶雲從東來決滂抱日流昇平貴論道  
文墨將何求有詔徵草澤徵誠

將獻謀冠冕如星羅拜揖曹與周望塵非吾事入  
職且遲留幸蒙國士識自脫負薪裘今者放歌行  
以慰梁甫愁位榮數斗祿奉義本豐羞願得金膏  
遂飛雲亦可籌

長安道

曉鼓人已行暮鼓人未息梯航萬國來爭先貢金  
帛不問賢與愚但論官與職如何貧書生只獻安  
邊策

洛陽道

喧喧洛陽路奔走爭先步唯恐着鞭遲誰能更迴

顧覆車雖在前，潤屋何曾懼賢哉。只二疏東門掛  
冠去。

田舍曲

古今利名路，只在儂門前。至老不離家，一生常晏  
眠。牛羊晚自歸，兒童戲野田。豈思封侯貴，唯只待  
豐年。征賦豈辭苦，但願時官賢。時官苟貪濁，田舍  
生憂煎。

五言律詩

塞上曲

歲歲但勞虜，西征早晚休。匈奴不繫頸，漢將但封

侯夕照低烽火寒笳咽戍樓燕然山上字男兒見  
須羞

出塞

玉殿論兵事君王詔出征新除羽林將曾破月支  
兵慣歷塞垣險能分部落情從今一戰勝不使虜  
塵生

從軍行

從軍朔方久未省用干戈祇以恩信及自然戎虜  
和邊聲動白草燒色入枯河每度因看獵令人勇  
氣多

唐詩集  
古悔從軍行

憶昔仗孤劍十年從武威  
論兵親玉帳逐虜過金微  
隴水秋先凍關雲寒不飛  
辛勤功業在麟閣志多違

度關山

只領千餘騎長驅磧邑間  
雲州多警急雪夜度關山  
石響鈴聲遠天寒弓力慳  
秦樓休悵望不日凱歌還

出自薊北門行

薊北連極塞塞色晝冥冥  
戰地骸骨滿長時風雨



腥沙河留一作流不定春草凍難青萬戶封侯者何  
謀靜虜庭

胡笳曲

隴底悲笳動隴頭鳴北風一輪霜月落萬里塞天  
空戍卒淚應盡胡兒哭一作語未終爭教班定遠不

念玉關中

湘妃怨

舜欲省蠻陬南巡非逸遊九山沉白日二女泣滄  
洲目極楚雲斷恨深湘水流至今聞鼓瑟咽絕不

勝愁

長門怨二首

寂寞故宮春，殘燈曉尚存。從來非妾過，

一作妬

偶爾

失夫恩。花落傷容鬢，鶯啼驚夢魂。翠華如可待，應免老長門。

葉落長門靜，苔生永巷幽。相思對明月，獨坐向空樓。鑿駕迷終轉，蛾眉老自愁。昭陽歌舞伴，此夕未知秋。

妾薄命

薄命頭欲白，頻年嫁不成。秦娥未十五，昨夜事公卿。豈有機杼力，空傳歌舞名。妾專修婦德，媒氏却

相輕

長相思

芙蓉出水時  
偶爾便分離  
自此無因見  
長教掛所思  
殘春不入夢  
芳信欲傳誰  
寂寞秋堂下  
空吟小謝詩

少年行二首

遊讌不知厭  
杜陵狂少年  
花時輕煖酒  
春服薄裝綿  
戲馬上林苑  
鬪雞寒食天  
魯儒甘被笑  
對策鬢鬢然

弱冠投邊急  
驅兵夜渡河  
追奔鐵馬走  
殺虜寶刀

月  
音  
批

音靴  
搗也

威靜黑山路氣含

一作  
吞

清海波常聞爲突

騎天子賜長戈

涼州行

誰唱關西曲寂寥

一作  
寥寥

夜景深一聲長在耳萬恨

重經心調古清風起曲終涼月沉却應筵上客未  
必是知音

遊仙

我家三島上洞戶枕波濤醉背雲屏臥誰知海日  
高露香紅玉樹風綻碧蟠桃悔與仙子別思歸夢

釣鰲

短歌行

物候來相續新蟬送晚鶯百年休倚賴一夢甚分

明金鼎神仙隱

一作秘

銅壺晝夜傾不如早立德萬

古有其名

九日長安作

無酒泛金菊登高但憶秋歸心隨旅馬萬里在滄  
洲殘照明天闕孤砧隔御溝誰能思落帽兩鬢已  
添愁

隨計

徒步隨計吏辛勤鬢易凋歸期無定日鄉思羨迴

潮冒雨投前驛侵星過斷橋何堪穆陵路霜葉更  
瀟瀟

曉發蕭關

早發長風裏邊城曙色間數鴻寒背磧片月落臨  
關隴上明星沒沙中夜探還歸程不可問幾日到  
家山

晚泊漢陽渡

落月臨古渡武昌城未開殘燈明市井曉色辨樓  
臺雲自蒼梧去水從嶓冢來芳洲號鸚鵡用記欄  
生才

經故洛城

下世何久遠，由來仰聖明。  
山河徒自壯，周召不長生。  
幾主任姦諂，諸侯各戰爭。  
但餘崩壘在，今古共傷情。

金陵懷古二首

恃險不種德，興亡歎數窮。  
石城幾換主，天塹謾連空。  
御路疊民塚，臺基聚牧童。  
折碑猶有字，多記昔英雄。

六代江山在，繁華古帝都。  
亂來城不守，戰後地多蕪。  
寒日隨潮落，歸帆與鳥孤。  
興亡多少事，回首一

長吁

終南山

終南異五嶽列翠滿長安地去搜揚近人謀隱遁  
難水通諸苑過雪照一城寒爲問紅塵裏誰同駐

馬看

一二一作千山凝黛色今古滿  
長安搜揚一作王都通一作穿

御溝水

郡閣雅言云貞白御溝詩此中初作  
此波以示貫休貫休曰甚好只是剩

一字貞白揚袂而去貫休曰此公思敏書  
一中字于掌頃貞白回曰此中涵帝澤休

以掌示  
之始服

一泓御溝水綠槐相蔭清此中涵帝澤無處濯塵  
纓鳥道來雖險龍池到自平朝宗心本切願向急



流傾

商山

商山名利路夜亦有人行  
四皓臥雲處千秋疊薜  
生晝煙籠澗黑殘雪隔林明  
我待酬恩了來聽水  
石聲

廬山

嶽立鎮南楚雄名天下聞  
五峯高闕日九疊翠連  
雲夏谷雪猶在陰巖晝不分  
唯應嵩與華清峻得  
爲羣

題巖陵釣臺

山色四時碧溪光七里清嚴陵愛此景下視漢公  
卿垂釣月初上放歌風正輕應憐渭濱叟匡國祇  
論兵

又

釣臺集

異代有巢許方知嚴子情舊交雖建國高臥不求  
榮水鳥寒來浴汀蘭煖重生何顏吟過此辛苦得

浮雲

雨後從陶郎中登庾樓

庾樓逢霽色夏日欲西曛虹截半江雨風驅大澤  
雲江邊漁艇聚天畔鳥行分此景誰堪畫文翁請

屬文

文苑英華截前後爲絕  
句方輿勝覽載此全首

贈劉凝評事

棘寺官初罷梁園靜掩扉  
春深顏子巷花映老萊  
衣談史曾無滯攻書已造微  
卽膺新寵命稱慶向  
庭闈

憶張處士

天台張處士詩句造玄微  
古樂知音少名言與俗  
違山風入松徑海月上巖扉  
畢世唯高臥無人說  
是非

雲居長老

巖路躡雲上來，參出世僧松高半巖。雪竹覆一溪，水不說有爲法，非傳無盡燈。了然方寸內，應祇見南能。

秋日旅懷寄右省鄭拾遺

永夕愁不寐，草蟲喧客庭。半窓分曉月，當枕落殘星。鬢髮遊梁白，家山近越青。知音在諫省，苦調有誰聽。

寄鄭谷

五百首新詩，緘封寄與誰。祇憑夫子鑒，不要俗人知。火鼠重收布，水蠶乍吐絲。直須天上手，裁作領

巾披

寄天台葉尊師

師住天台久長聞過石橋晴峰見滄海深洞徹丹  
霄採藥霞衣濕煎芝古鼎焦念予無俗骨類與鶴  
書招

送韓從事歸本道

獻捷靈州倅歸時籠拜新論邊多稱旨許國誓亡  
身馬渴黃河凍鴈回青塚春到蕃唯足戰應不肯  
和親

送馬明府歸山

辭秩入匡廬重修靖節居免遭黑綬東不與白雲  
踈送吏各獻酒羣兒自擔書到時看瀑布爲我謝  
清虛

送友人南歸

南國菖蒲老知君憶釣船離京近殘暑歸路有新  
蟬峴首白雲起洞庭秋月懸若教吟興足西笑是  
何年

宮池產瑞蓮

帟經  
日試

雨露及萬物嘉祥有瑞蓮香飄雞樹近榮占鳳池  
先聖日臨雙麗恩波照並妍願同指佞草生向帝

堯前

述松

遠谷呈材幹何由入棟梁歲寒虛勝竹功績不如

桑秋老

一作露

落乾子春

一作雪

深衰嫩黃雖蒙匠者

顧樵採日難防

白牡丹

穀雨洗纖素栽爲白牡丹異香開玉合輕粉泥銀

盤時貯露華濕宵傾月魄寒佳人淡粧罷無語倚

宋欄

五言排律

擬塞外征行

寇騎滿雞田都護欲臨邊青泥方絕漢懷劍始辭  
燕旌旗挂龍虎壯士募鷹鷂長城威萬高嶺奮  
三千行行向馬邑去去指祁連鼓聲遙亦塞兵氣  
遠衝天對陣雲初上臨城月始懸風驚烽易滅沙  
暗馬難前恩重恒思報勞心一作心勞屢損年微功一  
可立身輕不自憐

蘆葦

高士想江湖閒庭徧植蘆清風時有至綠竹興何  
殊嫩喜日光薄踈憂雨點麤驚蛙跳得過關雀裊



如無未織巴籬護幾擡  
卍竹扶惹煙輕弱柳蘸水  
漱清蒲漑灌情偏重琴樽賞不孤  
穿花思釣叟吹葉少羗雛  
寒色暮天映秋聲遠籟俱朗吟  
應有趣瀟灑十餘株

七言律詩

庾樓晚望

方輿勝覽

獨凭朱檻亦凌晨  
山色初明水色新  
竹霧曉籠嶺嶺月蘋風煖送過江  
春子城陰處猶殘雪衙鼓聲  
前未有塵三百年來庾樓上  
曾經多少望鄉人

送芮尊師

石上萑蒲節節靈先生服食得長生早年避世憂  
身老近日登山覺步輕黃鶴待傳蓬島信丹書應  
換蓋宮名他年控鯉昇天去廬岳逋民願從行

洗竹

道院竹繁教略洗鳴琴酌酒看扶踈不圖結實來  
雙鳳且要長竿釣巨魚錦籜裁冠添散逸玉芽修  
饌稱清虛有時記得三天事自向琅玕節下書

六言絕句

仙巖

貴溪志云縣南上清溪西流十里石壁  
峭立刻爲二十四巖上出雲表下臨深

淵仰而望之非羣仙  
不可到誠奇跡也

白煙晝起丹竈紅葉秋書篆文二十四巖天上一  
雞啼破晴雲

風呼山鬼服役月照衡薇結花江煖客尋瑤草洞  
深人曠丹霞

七言絕句

折楊柳三首

枝枝交影鎖長門嫩色曾沾雨露恩鳳輦不來春  
欲盡空留鴛鴦語到黃昏

水殿年年占早芳柔條風裏御爐香如今萬乘多  
巡狩輦路無陰綠草長

嫩葉初齊不耐寒和寒時拂玉欄  
于征人去日曾攀折泣雨傷春翠黛殘

御試後進詩

三時賜食天厨近再宿偷吟禁漏清  
二十五家齊

拔宅人間已寫上昇名

是年初放二十五人後覆汰止放十五人也

春日詠梅花

絕句辨體

靚粧纔罷粉痕新  
迨曉風迴散玉塵  
若遣有情應  
悵望已兼殘雪又兼春

句

太陽雖不照梁棟每重陰

廊下井以  
下吟窓雜錄

白髮未

逢媒對景且徘徊

醜婦

別酒莫辭今夜醉故人如

我幾時來

合賦

改貫永留鄉黨額減租重感郡侯

恩

洪景虛野處集載赴選別太守句貞白自注蒙本州改坊名爲進賢并減戶稅

戊籤九十五

唐音統籤卷

七百四十二

王穀字虛中宜春人乾寧五年進士第尚書郎致

仕詩一卷

唐宋志集三卷同在庠序相善將赴舉胤儀之有日者在坐曰待此郎爲相乃登第後二十年胤儀爲相穀遂登第通志畧稱其入梁未知何據

紀事云穀始與崔胤

吹笙引

媯皇遺音寄玉笙雙成傳得何淒清丹穴嬌雛七十隻一時飛上秋天鳴水泉迸瀉急相續一束宮商裂寒玉旖旎香風繞指生千聲妙盡神仙曲曲終滿席悄無語巫山冷碧愁雲雨

鴻門讌

唐音統籤

卷七百四十二

戊

寰海沸兮爭戰苦風雲愁兮會龍虎四百年漢欲  
開基項莊一劍何虛舞殊不知人心去暴秦天意  
歸明主項王足底踏漢土席上相看渾未悟

玉樹曲

陳宮內宴明朝日玉樹新粧逞嬌逸三閣霞明天  
上開靈囂振櫻桃袖出天花數朶風吹綻對舞輕  
盈瑞香散金釵紅絃旖旎隨霓旌玉佩參差轉壁  
月夜滿樓風輕蓮舌泠泠詞調新當行狎客盡居  
祿直諫犯顏無一人歌舞未終樂未闕晉王劍上  
粘腥血君臣猶在醉鄉中一面已無陳日月聖唐

御宇三百祀，濮上桑間宜。禁止請停此，曲歸正聲。  
願將雅樂調元氣。紀事云：轂未及第時，輕忽被人  
毆擊，揚聲曰：莫無禮，吾便是君  
臣。猶在醉鄉中，一面已無陳  
日月，殿者歛衽慙謝而退。

苦熱行

祝融南來鞭火龍，火旗焰焰燒天紅。日輪當午凝  
不去，萬國如在洪爐中。五嶽翠乾雲彩滅，陽侯海  
底愁波竭。何當一夕金風發，爲我掃却天下熱。

暑日題道邊樹

火輪迸焰燒長空，浮埃撲面愁朦朦。羸童走馬喘  
不進，忽逢碧樹含清風。清風留我移時住，滿地濃



陰懶前去却歎人無及物功不似團圓道邊樹

贈蒼溪王明府有文在手曰長生

執手長生在人皆號地仙水雲真逸性龜鶴足

一作

定齊年但以酒養氣何言命在天况無婚嫁累應

拍尚平肩

逢道者神和子

珍重神和子聞名五十年童顏終不改綠髮尚依然  
酒裏消閒日人間作散仙長生如可慕相逐隱  
林泉

送友人歸閩

東南歸思切把酒且留連再會知何處相看共黯  
然猿啼梨嶺路月白建溪船莫戀家鄉佳酬身在  
少年

春草碧色

習習東風扇萋萋草色新淺深千里碧高下一時  
春嫩葉舒煙際微香動水濱金塘明夕照輦路惹  
芳塵造化功何廣陽和力自均今當發生日瀝懇  
祝良辰

夢仙謠三首

前程漸覺風光好琪花片片粘瑶草有人遺我五

色丹一粒吞之後天老

青童遞酒金觴疾列坐紅霞神氣逸笑說留連數  
日間已是人間一千日

瑤臺絳節遊皆遍異果奇花香撲面松窓夢覺却  
神清殘月林前三兩片

後魏行

力微皇帝謗天嗣太武凶殘人所畏一朝拈纏飛  
上天子孫盡作河魚餌

秋

蟬噪古槐疏葉下樹銜斜日映孤城欲知潘鬢秋

多少一夜新添白數莖

燕

海燕雙飛意若何  
曲梁嘔噉語聲多  
茅檐不必燃  
卑陋猶勝吳宮蕤爾窠

卷終

戊籤九十六

唐音統籤卷

七百四十三

曹松字夢徵舒州人學賣島爲詩久困名場昭宗天復初與王希禹等五人同登第時號五老榜授

秘書省正字詩集三卷

唐志三卷宋志一卷昭宗實錄天復元年赦文令

中書門下選擇新及第進士中有久在名場纒法科級年齒已高者不拘常例各授一官於是禮部侍郎杜德祥奏揀到新及第進士陳光問年六十九曹松年五十四王希禹年七十三劉象年七十一柯崇年六十四鄭希顏年五十九詔光問與希禹可秘書省正字象崇希顏可太子校書時上新平內難授官制詞有念爾登科之際當予反正之年寬降異恩各膺寵命之語據言又云松于詩外無他能時號其啓事爲送年脚狀然五七律時復有異句可誦

五言律詩一

塞上行

上將擁黃鬚安西逐指呼難鄉俱少壯到積滅肌  
膚風雪夜傍塞腥羶朝繫胡爲君樂戰死誰喜作  
征夫

山中言事

嵐靄潤窓櫺吟詩得冷癥教餐有効藥多媿獨行  
僧雲濕煎茶火冰封汲井繩片扉深着掩經國自  
無能

山中

此地似商嶺雲霞空往還衰條難定鳥缺月易依

山野色耕不盡溪容釣自閒分因多臥退百計少  
相關

崇義里言懷

馬蹄京洛岐復此少閒時老積滄洲夢秋乖白閣  
期平生五字句一夕滿頭絲把向侯門去侯門未  
可知

言懷

真心坐似癡寢食亦如遺爲覓出人句祇求當路  
知豈能窮到老未信達無時此道須天付三光幸  
不私

書懷

默默守吾道，望榮來替愁。  
吟詩應有罪，當路却如讐。  
陸海儻難溺，九霄爭便休。  
敢言名譽出，天未白吾頭。

貽世

富者非義取，朴風爭肯還。  
紅塵不待曉，白首有誰閒。  
淺度四溟水，平看諸國山。  
只消年作劫，俱到總無間。

感世

觸目盡如幻，幻中能幾時。  
愁來捨行樂，事去莫公



悲白髮不由已黃金留待誰耕煙得銘誌翻爲古  
人思

除夜

舊曆不足卷東風還坐聞一宵有幾刻兩歲欲平  
分臘盡傾時斗春通綻處雲明朝遙捧酒先合祝

吾君

一本首句作殘臘即又  
盡第五作燎暗傾時斗

立春

春日一盃酒便吟春日詩木梢寒未覺地脉煖先  
知鳥轉星沉後山分雪薄時寧無剪花手贈與最

芳枝

雜詠作賞心無處  
說恨望曲江池

立春

玉燭傳佳節陽和應此辰  
土牛呈歲稔綵燕表年  
春臘盡星回次寒餘月  
建寅梅花將柳色偏思越  
鄉人

晨起

曉色教不睡卷簾清氣中  
林殘數枝月髮冷一梳  
風並鳥聞鐘語欹荷隔霧  
空莫徒營白日道路本  
無窮

長安春日

浩浩看花晨六街揚遠塵  
塵中一丈日誰是晏眠

人御柳舞着水野鶯啼破春徒云多失意猶自惜  
離秦

曲江暮春雪霽

霽動江池色春殘一去游菰風生馬足槐雪滴人  
頭北闕塵未起南山青欲流如何多別地却得醉  
汀洲

九江暮春

楊柳城初鎖輪蹄息去蹤一作歸愁不記重春流無舊岸  
夜色失諸峯影動漁邊火聲遲話一作後鐘明朝

迴去馬誰向北郊逢

滕王閣春日晚望

凌春帝子閣，偶眺日移西。  
浪勢平花塢，帆陰上柳堤。  
凝嵐藏宿翼，疊鼓碎歸蹄。  
只此長吟咏，因高思不迷。

趙凡夫截前半  
補萬首絕句誤

鍾陵野步

岡扉聊自啓，信步出波邊。  
野火風吹濶，春水鶴啄穿。  
渚檣齊驛樹，山鳥入公田。  
未創孤雲勢，空思白閣年。

鈇山寫懷

天涯兵火後，風景畏臨門。  
骨肉到時節，團圓因夢

魂池塘縈水眼嶺嶠結花根耳縱聽歌吹中心不可論

岳陽晚泊

輕帆下瀾流便泊此沙洲湖影撼山朶日陽燒野  
愁白波爭起倒青嶼或沉浮是際船中望東南

仞

一作  
萬里秋

道中

出門嗟世路何日朴風歸是處太行陰  
飛主人厚薄禮客子新故衣所以澆浮態多令行者違

南遊

直到南箕下方諳漲海頭君恩過銅柱戎節限交  
州犀占花陰臥波衝瘴色流遠夷非不樂自是北  
人愁

塞上

邊寒來所潤今日復明朝河凌去聲堅通馬胡雲缺  
見鵬砂中程獨泣鄉外隱誰招迴首若經歲靈州  
生柳條

石頭懷古

日月出又沒臺城空白雲雖寬百姓土漸缺六朝

墳禾黍是亡國山河歸聖君松聲驟雨足幾樹晚  
鐘聞

吊北邙

山下望山上夕陽明又曛無人醫白髮少地着新  
墳歲代殊相遠賢愚旋不分東歸聊一弔亂木倚  
寒雲

再到洪州望西山

松常栖  
此山

洪州向西顧不忍暫忘君記得瀑泉落省同幽鳥  
聞一迴經雨電長有剩風雲未定却栖息前頭江  
海分

望九華寄池陽太守

造化峰峰異宜教岳德謙靈蹤載籍古怪刃刺雲  
尖盤感陵陽壯孤標建鄴瞻霽餘堪洗目青出謝  
家簷

江西題東湖

鑿出江湖思涼多  
間無風觸微浪半日  
秋  
山客袖沙光滿船牕荻影閒時人見黃綬應笑狎  
鷗還

題甘露寺

香門接巨壘畫角間清鐘北固一何峭西僧多未



逢天垂無際海雲白久晴峯日暮燃燈外  
濤頭振  
螯龍

題湖南岳麓寺

海雲山上寺每到每開襟萬木長不住細泉聽更  
深  
蜩沾高雨斷鳥遇夕嵐沉此地良宵月  
懷隔  
楚砧

慈恩東樓

寺樓涼出竹非與曲江賒野火

一作水

流穿苑秦山

疊入巴風梢離衆葉岸角積虛沙此地鐘聲近令

人思未

一作海涯

書翠巖寺壁

何年話尊宿瞻禮此堂中  
入郭非無路歸林自學  
空濺瓶雲嶠水逆磬雪川  
風時說南廬事知師用意同

信州聞通寺題僧砌下泉

細聲從嶠足幽淡浸香堦  
此境未開日何人初見  
時耗痕延黑蘚淨罅吐微澌  
應有喬梢鶴下來當飲之

題鶴鳴泉

仙鶴曾鳴處泉兼半井苔  
直峰拋影入片月瀉光

取折水庭垂河牛角  
牕露月微稜俱入詩  
心地事  
無俗者憎

卷終

戊籤九十六曹松之二

唐音統籤卷

七百四十四

五言律詩二

贈華陰李明府

佩墨縣兼清約關西近城三峰豈不重厚地戴猶  
輕雪篠欹難直風泉噴易橫須知高枕外長是勸  
民耕

贈衡山麋明府

爲縣瀟湘水門前樹配苔晚吟公籍少春醉積林  
開滌硯松香起擎茶岳影來任官當此境更莫夢  
天台

贈餘于袁明府

一雨西成色陶家心自清  
山衙中郭分雲卷下湖  
程公署聞流水人煙入廢城  
難忘楚盡處新有越  
吟生

贈雷鄉張明府

任官征戰後度日寄閒身  
封卷還高客飛書問野  
人廢田教種穀生路遺  
薪若起柴桑興無先  
鹿  
酒巾

贈南陵李主簿

外邑官同隱寧勞短吏趨  
看雲情自足愛酒逸應

無簾席彈碁子衣裳惹印朱仍聞陂水近亦擬掉  
菰蒲

浙右贈陸處士

靜節灌園餘得非成隱居長當庾子日獨拜五經  
書白浪吹亡國秋霜洗太虛門前是京口身外不  
營儲

贈胡處士

年光離岳色帶疾臥南原白日與無事俗人嗔閉  
門  
魚臨岸水野鹿入荒園莫問榮華事清霜點  
髮根

薦福寺贈棲白太師

才子紫檀衣明君寵顧時講昇高坐懶書答重臣  
遲瓶勢傾圓頂刀聲落碎髭還聞穿內去隨駕進  
新詩

青龍寺贈雲顛法師

紫檀衣且香春殿日尤長此地開新講何山鑠舊  
房僧名喧北闕祖印續南方莫惜青蓮喻秦人聽  
未忘

關山寄詩贈清越

一作寄崇聖寺僧

不醉秦中酒冥心祇似師望山吟過日伴鶴立多

時溝遠流聲細林寒綠色遲  
菴西蘿月夕重得話  
空期

慈恩寺貽楚霄上人

在秦生楚思波浪接禪關  
塔礙高林鳥窓開白日  
山樹陰移草上岸色透庭間  
入內談經徹空榜講  
疏還

貽住山僧

罷講巡巖塢無窮得野情  
臘高猶伴麤夏滿不歸  
城雲朶綠崖發峰陰截水清  
自然澆洗耳唯任白  
毫生



林下書懷寄建州李頌員外

一從諸事懶海上跡宜沉吾道不當路鄙人甘入  
林雲垂方覓鶴月濕始收琴水石南州好誰陪刻  
骨吟

金陵道中寄

忍苦待知音無時省廢吟  
難爲分路客莫問向隅  
心嶠翠藏幽瀑枝風下曉禽  
憶君秋欲盡馬上秣  
陵砧

送胡中丞使日東

辭天理玉簪指日使雞林  
猶有中華戀方同積水

深張帆度鯨口銜命見臣心  
渥澤遐宣後歸期抵  
萬金

送左協律東西從事

辟書來幾日遂喜

一作逐意

就嘉招猶向風沙淺非於

甸服邊時平無探騎秋靜見盤鵬若遣關中使  
煩君問寂寥

送邵安石及第歸連州覲

及第兼歸覲宜忘涉驛勞青雲重慶少白日一飛  
高轉楚聞啼  
猶臨湘見疊  
濤海陽沉飲罷

一作連陽沉飲

編  
何地佐旌旄

月字系重  
秋日送方干遊上元

天高淮泗白，料子趣修程。  
汲水疑山動，揚帆覺岸行。  
雲離京口樹，鴈入石頭城。  
後夜分遙念，諸峰霜

露

一作  
月露生

九江送方干歸鏡湖

一櫓懸五兩，此日動歸風。  
客路拋湓口，家林入鏡中。  
談餘雲出嶠，詠苦月欹空。  
更若看鳩鵲，何人夜坐同。

都門送許棠東歸

一作送  
張喬

舊客東歸遠，長安詩少朋。  
去愁分磧，鴈行計逐鄉。

西陵  
僧華岳無時雪黃河漫處水知辭國門路片席認

送喻坦之遊太原

北鄙征難盡詩愁滿去程廢巢侵燒色荒塚入鋤  
聲逗野河流濁離雲磧月明并州戎

英華戎  
作成非壘地

角動引風生

邊上送友人歸寧

鄉路穿京口寧心去少同日斜尋濶磧春盡遂歸  
鴻獨樹河聲外凝笳塞色中憐君到此處却肯老  
萊風

送德輝禪師

重禮石  
霜長者

天涯緣事了又造石霜微不以干峰險唯將獨影  
歸有爲嫌假佛無境是真機到後流沙錫何時更  
有飛

弔賈島墓

先生不折桂摘去抱何寬已葬離燕骨難招入劍  
寬旅墳低却草稚子哭勝猿冥冥如搜句宜邀賀  
器論

哭李頰員外

時在  
建州

出麾臨建水下世在公堂苦集休開篋清資罷轉

郎瘴中無子莫嶺外一妻孀定一作是浮香  
恐  
吟

骨東歸就故鄉

### 哭陳陶處士

園裏先生冢烏啼春更傷空餘八卦樹尚對一茅  
堂白日埋杜甫皇天無耒陽如何稽古力報蒼甚  
茫茫

### 哭胡處士

丘中久不起將謂詔書來及見凌雲說方知掩夜  
臺白衣歸北路玄造亦遺才世上亡君後詩聲更  
大哉

重哭胡處士

故人江閣在重到事悠悠無爾向潭上爲吾傾甕  
頭空餘赤楓葉墜落釣魚舟纔是冲虛去不爲天  
地囚

憶江南并悼亡友

前心柰兵阻悔作豫章分芳草未歸日故人多是  
墳帆行出岫雨馬踐過江雲此地一罇酒當時肯  
以文

月

寥寥天地內夜魄爽何輕頻見此輪滿卽應華髮

生不圓爭得破纜正又須傾人事還相似因知倚  
伏情

夏雲

勢能成岳仞頃刻長崔嵬暝鳥飛不到野風吹得  
開一天分萬態立地看忘回欲結暑宵雨先聞江  
上雷

僧院松

此木韻彌全秋宵學瑟絃空知百餘尺未定幾多  
年古甲磨雲拆孤根捉地堅

朱慶餘有旅鴈捉  
孤鳥用字並奇

何

當拋一幹作蓋道場前



友人池上詠蘆

秋聲誰種得蕭瑟在池欄  
葉澁栖蟬穩叢疎宿鷺  
難歛煙宜下颯吹省先寒  
此物生蒼島令人憶  
釣竿

顧少府池亭葦

池上分行種公庭覺少塵  
根離潮水岸韻爽判曹  
人正午迴魚影方昏息  
鷺身無時不動詠滄海島  
思頻

猿

曾宿三巴路今來不願聽  
雲根啼片白峰頂擲尖

青護果憎禽啄，栖霞戲葉零。  
唯應臥嵐客，憐爾傍  
岳崩。

送人庭鶴

度歲休籠閉，身輕好羽儀。  
白雲是伴，滄海得因誰。  
喚起遺殘食，盤餘在迥枝。  
條風頻雨去，只恐更相隨。

答匡山僧贈柳栗杖

栗杖出匡頂，百中無一枝。  
雖因野僧得，猶畏嶽神知。  
晝月冷光在，指雲秋片移。  
宜留引蹇步，他日訪峨眉。

觀華夷圖

落筆勝縮地展圖當晏寧中華屬貴分遠裔占何  
星分寸辨諸岳斗升觀四溟長疑未到處一一似  
曾經

古塚

代遠已難問纍纍次古城民田侵不盡客路踏還  
平作穴蛇分蟄依岡鹿繞行唯應風雨夕鬼火出  
林明

五言排律

送陳樵校書歸泉州

巨塔列名題詩心亦罕齊除官京下闕乞假海門  
西別席侵殘漏賤程避戰葢關遙秦鴈斷家近瘴  
雲低候馬春風館迎船曉月溪帝京須早入莫破  
刺桐迷

武德殿朝退望九衢春色

玉殿朝初退天街一望春南山初過雨北闕淨無  
塵夾道天桃滿連溝御柳新蘇舒同舜澤煦嫗並  
堯仁佳氣浮軒蓋和風襲縉紳自茲憐萬物同入  
發生辰

梢雲

殊質資靈眈陵空發瑞雲梢梢含樹彩影一作郁郁  
動震文不比因風起全非觸石分葉光閒泛灑枝  
彩靜氤氳隱見心無宰徘徊慶自若翻飛如可託  
長願在橫汾